

題劉節使所藏顯宗御畫莊子

顯宗好道富年壯手筆南華古形狀南華去世千載餘狀貌風
格知何如只是今人重古道髣髴氣象加襟裾至人胷中本無
待萬竅吹噓任天籟揚韓嵇阮心不同到了各歸於大塊

冬日郊外閑步

草木既凋殘冰霜何凜冽長空鳥飛盡大海魚遊絕商旅不行
舟昆蟲皆閉穴誰能豐足外解把孤貧設

秋風海上

蓬萊有客無家鄉身擬學仙遊大方大方洪水浸天闊東極萬
里青茫茫曉來雨過西風急策杖憑高看呼吸鴻鴈連天剝棗

道藏輯要

碯溪集

聖

又胃集三

晴魚龍戲水操舟人千尺絲綸直下垂碧波深處釣鯨鯢紛紛
魚鼈不肯食齷齪波瀾空自迷挂席未能超彼岸乘槎再欲浮
天漢天漢高高萬象明白雲誰是長生伴

登州修真觀建黃籙醮

渾淪至道急如箭反覆陰陽自交戰太極茫茫造化開平空落
落神奇見羣生萬象參差出六合八紘粧點遍躋古騰今逐日
新流形返樸隨時變有情無情不可窮大智小智交相攻不有
聖賢開教化那知動植本虛空千經萬論垂方便寶笈琅函興
眾善自昔根源發杳冥迄今道德猶光顯邇來天下教門興達
士隨方化有情我亦周流三十載還鄉復到海邊城城南磊落

修真觀氣勢清高接河漢俯視滄茫渤澥深仰觀卓犖星辰煥
城中信士往來多物外交朋意氣和承安四年冬十月大興黃
籙演金科赤書玉字先天有白簡真符破邪久三級瑤壇映寶
光九卮神燈摘星斗巉岳破錢鄴都山列峙昇仙不可攀四夜
嚴陳香火供九朝時聽步虛環千門萬戶生歡悅六街三市齊
鋪設金花銀燭相輝映表裏光明自通徹忽聞空外顯嘉祥蕭
索輪囷有異常玉帝傳宣行大赦仙童騎鶴下南昌幽魂滯魄
皆超度白叟黃童盡欽慕天涯好事未嘗聞壓盡山東河北路

濰州城北千戶新觀

清閑不在苦幽棲心上無塵到處宜北海葱葱郡城角地多花

道藏輯要

礪溪集

三 又胃集三

木景多奇昔年車馬空撩亂今日翻爲玉清觀觀中遊戲是何
人天下往來都散漢池塘寂寂鎖煙霞大寶蓮開十丈花借問
經營誰施主襲封千戶太均家

題萊州招遠縣雲屯山觀

雲屯山上雲冥冥天風搖蕩飛雨零神奇幻惟不可測千變萬
化無常形雲收雨霽杳無跡但見羣山羅翠屏山高谷深復何
有白石磊磊松煙青春游浩蕩滿山谷直上似欲趣天庭心虛
目極淡天闊俯視漠漠環滄溟昔居菴地走三郡登萊寧海人多朝拜今
爲洞天朝萬靈虛空舊基作新觀人呼舊址爲虛空也萬世不朽傳佳銘

五言短句 二首